


280.43  
36  
28

卷十五  
土產  
卷十六  
祥異  
外紀  
8





安岳縣志卷十五

土產志

蜀曰陸海物產之饒自昔稱雄天下然因其饒而用之者不節取之者無厭則地力耗矣職方貫利今昔不同茲故志其常不志其異志其大不志其小使覽者知一邑之所出不過如斯而已庶幾利用者不敢濫而責賦者亦無庸苛也

穀之屬曰秔稻楊泉物理論稻者漑種之總稱呂忱字林云秔稻不黏者有赤白二色

糯稻許慎說文解字沛國謂稻為糯崔豹古今注稻之黏者為秔字林云糯黏稻也有早晚二種

安岳縣志

卷十五

土產

麥說文天降瑞麥一來二麩象芒刺之形天所來也李時珍本草綱目有大小二種梵書名迦師錯

蕎麥本草一名苽麥一名烏麥王楨農書云作湯餅謂之河漏乃農家居冬穀也

高粱張揖廣雅荻梁木稷也注穎食物本草穀之最長者南人呼為蘆稌李時珍曰種自蜀來故謂之蜀黍一

名蜀秔

小米唐孟詵本草云黏者為秔不黏者為粟故呼此為秔粟以別秔而配秔北人謂之小米許慎云粟之為言

續也續於穀也

菽即大豆筴穀之總稱也有黃白黑青斑數色呂氏春秋得時之豆長莖短足其莢二七為族多枝數節汜勝之

種植書大豆保歲易得可以備凶年

赤小豆董仲舒云小豆名答有三四種李時珍曰此豆以緊小而赤黯色者入藥葉名藿花名腐婢





**綠豆** 王象晉羣芳譜粒麤而色鮮者為官綠又名明綠皮薄粉多粒小而色暗者為油綠又名灰綠皮厚粉少

早種者名摘綠可頻摘也遲種者名拔綠一拔而已

**藟豆** 蘇頌圖經有黑白二種白者温而黑者小冷綱目有沿籬鵲豆蛾眉鵲豆諸名白露後實更繁衍

**刀豆** 段成式酉陽雜俎樂浪有挾劍豆莢生橫斜如人挾劍即此豆也

**胡豆** 爾雅戎菽謂之荏菽郭璞註即胡豆也春秋齊侯來獻戎捷穀梁傳曰戎菽也管子云北伐山戎出冬葱

及戎菽布之天下鄴中記石虎諱胡改胡豆為國豆王楨農書謂其蠶時始熟一名蠶豆

**豌豆** 唐史畢豆出自西戎同鵲地廣雅畢豆豌豆畱豆也遼志名同鵲豆本草綱目其苗柔弱宛宛故得豌豆

名飲膳正要作同同豆一名麻累

**豇豆** 李時珍曰此豆莢必雙生故有豇豨雙之名花有紅白二色莢有白紅紫赤斑駁數色長者至二尺嫩時

**安岳縣志**  
**卷十五**  
土產  
二

充菜老則收子備用最多豆中上品

**胡麻** 沈存中筆談漢史張騫自大宛得油麻種來故名胡麻杜寶拾遺記隋大業四年改胡麻曰交麻又有藤

宏鴻藏巨勝狗蝨諸名即脂麻也

**蔬之屬曰芥** 蘇恭唐本草白芥子麤大白色如白梁米甚辛美從西戎來圖經青芥似菘有毛味極癖

紫芥莖葉純紫可愛作齏最美

**韭** 說文一種而久生故謂之韭陳藏器拾遺名草鍾乳侯氏葯譜名起陽草

**葱** 韓保昇蜀本草葱凡四種冬葱即凍葱夏衰冬盛莖葉俱美漢葱莖實硬而味薄冬即枯胡葱莖葉麤硬根若

金燈茗葱生山谷一名乳又有菜伯大官鹿胎和事草諸名

**薤** 唐本草薤是韭類有二種白者補而美赤者苦而無味羅願云物莫美於芝故薤為菜芝綱目其葉類葱而根



如蒜收種宜火熏故稱為火  
葱一曰鴻薺曰薺子

蒜孫炎爾雅正義云帝登嵩山遭薺芋毒將死得蒜嚙食乃解遂收植之說文云蒜葷菜也菜之美者雲夢之葷

生山中  
名薺

油菜陸佃埤雅曰臺菜名醫別錄曰藝臺或云塞外有地名雲臺成始種此菜故名綱目採其臺食則分枝必

多子可榨油

白菜埤雅菘性凌冬晚凋四時常見有松之操故曰菘今俗謂之白菜肥大者名牛肚菘嫩黃者為黃芽菜

竹筍爾雅筍竹萌說文謂之竹胎陸佃云旬內為筍旬外為竹故字从旬黃魯直苦筍賦蜀道苦筍冠冕兩川

僧贊寧筍譜有萌筍初筍諸名

菜蕨爾雅蕨蘆蕨邢昺疏紫花菘也俗呼温菘似蕪菁大根一名蕨俗呼電蕨一名蘆蕨今謂之蘿蔔農書冬

### 安岳縣志

### 卷十五

土產

三

曰土酪謂其潔白如酥也

胡蘿蔔本草綱目元時始自胡地來氣味微似蘿蔔故名有黃赤二種微帶蒿氣大者盈握

胡荽說文作葳云薑屬可以香口也拾遺云石勒諱胡呼胡荽為香荽賈思勰齊民要術云六七月布種者可

竟冬食春月採子沃水生芽種者小小供食而已今俗呼為荳荽

同蒿李時珍曰形氣同乎蓬蒿故名孫思邈千金方云安心氣養脾胃宋嘉祐中始補入本草掌禹錫云多食

動風

薑春秋運斗樞天璇星散而為薑呂氏春秋和之美者有楊樸之薑楊樸西蜀地名說文作疆云禦食之菜也

菠菜唐會要太宗時尼波羅國獻菠菜類紅藍實如蒺藜火熟之能益食味方士隱名為波斯草一名赤根

菜



苜 蜀本草 苜凡六種赤苜白苜人苜紫苜五色苜馬苜蘇恭曰赤苜一名蘆蘇頌曰大者為白苜小者為人苜紫

苜無毒不寒五色苜今亦稀有陶隱居曰馬苜與苜別是一種

蒿 莖 彭乘墨客揮犀 蒿菜自崑國來故名農書謂之石莖合璧事類色白者為白莖色紫者為紫莖味苦者為

莖苦 徐鉉註說文云芋猶吁也大葉實根駭吁人也史記岷

芋 山之下野有蹲鴟至死不饑註云芋也郭義恭廣志有

君子芋赤鷓芋百果芋青邊芋旁巨芋車轂芋長味芋雞子芋九面芋青芋曹芋象芋旱芋蔓芋凡十四種

薯蕷 山海經 景山北望少澤其草多薯蕷吳普本草一名見草一名修脆齊魯名山芋鄭越名土藷秦楚名玉

延蘇恭曰蜀道者尤良寇宗奭曰唐避代宗諱預改為薯藥宋又避英宗諱改為山藥

蘇 爾雅 蘇桂荏邢昺疏以其味辛似荏一名桂荏陶註本草云葉下紫色而氣甚香其無紫色不香

安岳縣志 卷十五 土產 四

茄 陳藏器 本草茄一名落蘇五代貽子錄作酪酥拾遺隋場帝改茄曰崑崙紫瓜王隱君養生主論治瘡方用乾

茄諱名草鼈甲劉珣嶺表錄茄葉摘布路上以灰圍之則子必繁謂之嫁茄

壺盧 李時珍曰長瓠懸瓠壺盧匏瓜蒲盧名狀不一其實一類各色也古人壺瓠匏三名皆可通稱初無分別

又云壺酒器也盧飯器也此物可為酒飯器故名

冬瓜 神農本草經 列上品一名白瓜一名水芝廣雅 名地芝賈思勰云十月種者結瓜肥好乃勝春種凡收瓜

忌酒漆麝香及糯米觸之必爛

南瓜 綱目 云種出南番轉入閩浙今諸處有之其色或綠或黃或紅經霜收置煖處可留至春同羊肉食令人

氣 壅

菜瓜 馬志 開寶本草名越瓜注 類食物本草名稍瓜陳藏器曰大者色正白越人當果食之亦可糟藏



黃瓜 宋嘉祐本草名胡瓜以張騫使西域得種故名拾遺錄云隋大業四年避諱改胡瓜為黃瓜

絲瓜 事類合璧名天羅一曰布瓜綱目昔人謂之魚鱗或云虞刺始自南方來故曰蠻瓜

苦瓜 周憲王救荒本草一名錦荔枝一名癩葡萄荀李時珍曰皆以實及莖葉相似得名

菌 陳藏器曰地生者為菌木生者為櫛爾雅中馗菌也孫炎註或云地雞亦云獐頭

海椒 田雯黔書名狗椒云黔無鹽代之以狗椒椒之性辛辛以代鹹祇誑夫舌耳

果之屬曰梅 陸機詩義疏梅杏類也含之可以香口范成大梅譜江梅子小而硬消梅實圓鬆脆多液

無滓譚子化書梅即杏而本強者其實甘寰宇記普州貢梅

李 羅願爾雅翼李乃木之多子者故字從木子韋述兩京記東都嘉慶坊有美李人稱為嘉慶子久之稱謂既熟不復知其所自矣

### 安岳縣志

### 卷十五

土產

五

杏 江南錄楊行密改杏為甜梅農書肉杏甚佳赤大而扁謂之金剛拳寰宇記普州貢杏

桃 綱目桃性早花易植而子繁故字從木兆十億曰兆言其多也其實有紅桃緋桃碧桃細桃白桃烏桃金桃銀桃胭脂桃以色名也絲桃油桃御桃方桃扁桃以

形名也五月早桃十月冬桃秋桃霜桃以時名也

栗 蘇恭曰板栗錐栗二樹皆大茅栗似板栗而細如橡子其樹雖小葉亦不殊但春生夏花秋實冬枯為異耳

書名篤迦

棗 爾雅郭註有壺棗腰棗白棗大棗羊棗酸棗稔棗苦棗無實棗諸名廣志又有狗牙雞心牛頭羊角獼猴細腰

赤心三星駢白各種方輿勝覽普州出鐵山棗

梨 朱震亨曰梨者利也其性下行流利也綱目梨有青黃紅紫四色乳梨即雪梨鶯梨即絲梨消梨即香水梨也

俱為上品又有快果果宗玉乳蜜父之稱方輿勝覽普州出崇龕梨



木瓜

爾雅楸木瓜郭註木實如小瓜酢而可食韓保昇曰其樹枝狀如柰花作房生子形似栝樓火乾甚香

林禽

洪玉父云此果味甘能來眾禽於林故有林禽來禽之名又唐高宗時誠王李謹得五色林禽似朱柰以

貢帝大悅賜謹為文林郎人因呼林禽為文林郎果

柿

圖經本草柿有七絕一多壽二多陰三無鳥巢四無蟲五霜葉可玩六嘉賓七落葉肥滑可以臨書也有紅

柿黃柿朱柿棹柿牛奶柿諸種

安石榴

博物志漢張騫出使西域得塗林安石國榴種以歸故名酉陽雜俎甜者名天漿道家書謂榴為三

尸酒言三尸蟲得此果則醉也

橘柑

孔安國云小曰橘大曰柚皆為柑也宋韓彥直橘譜云柑品有八橘品十有四涅槃經云如橘見鼠其果

多實

# 安岳縣志

## 卷十五

土產

六

橙柚

埤雅橙柚屬也可登而成之故字從登馬志開寶本草橙有金毬鵲殼之名綱目柚黃而小者為蜜甯大

者謂之朱欒最大者謂之香欒

枸櫞

宋圖經原附荳蔻下綱目分出蘇頌曰閩廣江南彼人呼為香櫞李時珍曰俗呼為佛手柑是二者本一

類楊孚異物志浸汁洗葛紵勝似酸漿也

枇杷

寇宗奭曰葉形似琵琶故名廣志云冬花春實其子簇結有毛四月熟大者如雞子小者如龍眼白者為

上黃者次之

櫻桃

爾雅楔荆桃孫炎註即今櫻桃最大而甘者謂之崖蜜許慎作鸞桃云鸞所含食故又曰含桃

白果

綱目原生江南葉似鴨掌因名鴨脚子宋初始入貢改呼銀杏梅堯臣詩鴨脚類綠李其名因葉高歐陽

修詩絳囊初入貢銀杏貴中州是矣



核桃

宋開寶本草作胡桃名物志作羌桃蘇頌曰此果本出羌胡也梵書名播羅師

川椒

本經作蜀椒別錄作巴椒一名唐藪陶貞白曰蜀郡北郡人家種之皮肉厚腹裏白氣味濃江陽晉康及

建平閒亦有而細赤辛而不香力勢不如巴郡者

葡萄

漢書言張騫使西域還始得此種本草圓者名草龍珠長者名馬乳韓愈詩若欲滿盤堆馬乳莫辭添竹

引龍鬚是也

甘蔗

稽含南方草木狀作竿蔗離騷漢書俱作柘王灼糖霜譜蔗有四色杜蔗即竹蔗西蔗芳蔗亦名蠟蔗即

荻蔗均可作沙糖紫蔗即崑崙蔗止可生啖

蓮藕

爾雅其實蓮其根藕其中蒞蒞中惹神農本草經列上品方輿勝覽普州出天池藕按池隸樂至一云鐵

麓鳳山

安岳縣志

卷十五

土產

七

菱

風俗通名水栗亦曰沙角王安貧武陵記以三角四角者為菱兩角者為菱左傳屈到嗜菱即此物也

落花生

稽含南方草木狀謂之千歲子云出交趾蔓生子在根下鬚綠色交加如織一苞恆二百餘顆皮殼

青黃色殼中有肉如栗味亦如之乾則殼肉相離撼之有聲吳越人謂之長生果嶺南謂之也豆亦可榨油

花之屬曰蓮

羣芳譜已發為芙蓉未發為菡萏一名水芝一名水芸有重臺竝頭一品四面衣鉢金邊

諸種陳扶搖花鏡六月二十四荷花生日又云春分日種則花葉兩平前一日花在葉上後一日花在葉下

桂

范成大桂海志凡木葉心皆一縱理獨桂有兩道如圭形故字從圭花鏡一名棧一名木犀黃金桂白銀桂紅

丹桂又有四季桂月桂花時凡三放為桂中第一

蘭

琴操蘭為王者香王象晉曰蘭無偶稱為第一香紫梗青花為上青梗青花次之紫梗紫花又次之宋人蘭譜

白曰魚魷或名玉榦他種皆葉罩花此獨花架葉



梅花鏡似杏差小而花獨優於香范石湖梅譜約九十餘種序云梅以韻勝以格高故以橫斜疎瘦老枝怪奇為

貴張功甫列梅花宜稱有淡雲曉日薄寒微雨清溪小橋竹邊松下等二十六條

菊史正志菊譜序菊草屬也以黃為正是以概稱黃花苗可以採花可以藥囊可以枕釀可以飲馬伯州王蓋臣

皆有譜多者一百三十六品月令作鞠一名治疇一名日精一名帝女花

牡丹本草一名鹿韭一名鼠姑酉陽雜俎牡丹前史中無考惟謝康樂始言永嘉水際竹間多牡丹歐陽修花

品敘洛陽人直名曰花不假曰牡丹花鏡有黃紅紫白青一百三十一品別錄生巴郡山谷今魚龍山兩株本

可繫馬花大於盤開時數百朵豔麗無雙

芍藥古今注芍藥一名可離將別故贈之劉邠芍藥譜序芍藥古人無記錄後世莫知其詳因次序為譜三十

一種羣芳譜有縷金囊聚香絲白犬諸名一日玉盤盃一日婪尾春

海棠王敬美曰品類甚多曰垂絲曰西府曰棠梨曰木瓜日貼梗就中西府最佳羣芳譜海棠盛於蜀而秦中

次之唐相賈耽著花譜以為花中神仙

蜀茶羣芳譜一名昇陀羅以葉類茶又可作飲故得茶名花有數種就中寶珠為佳蜀茶更勝

玫瑰羣芳譜一名徘徊花類薔薇色淡紫青橐黃蕊瓣未白嬌豔芬馥有香有色楊誠齋詩一花兩色淺深紅

也是也

梔子酉陽雜俎諸花少六出惟梔花六出萬花谷杜棕別墅建蒼荀館形六出器用之屬皆象之本草蒼荀花

即梔子花一名越桃一名鮮支有兩三種

木芙蓉羣芳譜一名木蓮一名拒霜有數種王敬美曰大紅最貴最先開次淺紅常種也白最後開有日三醉者一日閒凡三換色亦奇

安岳縣志 卷十五 土產 八



木槿爾雅椴木槿椶木槿郭註云可食或呼日及詩義疏舜一名木槿一名椴一名椴齊魯之間謂之玉蒸今

朝生暮落者是也

水仙羣芳譜根似蒜頭葉如萱草冬抽一莖開花數朵色白圓如酒杯上有五尖中心黃蕊頗大故有金盞銀

臺之名內觀日疏名女史花又名姚女花六朝人呼為雅蒜

桃花鏡桃為五木之精能制百鬼乃仙品也花有紅白粉紅深紅之殊凡二十四品

薔薇本草經一名牛棘花史呼為玉雞苗說林名買笑羣芳譜有荷花薔薇五色薔薇他如寶相金鉢孟佛見

笑十姊妹三醉體態相類

月季羣芳譜一名勝春一名瘦客有紅白及淡紅三色月月紅一名門雪紅

鸚粟游默齋花譜有白者紅者紫者粉紅者杏黃者半紅半紫半白者豔麗可愛故曰麗春日賽牡丹亦名阿

### 安岳縣志

### 卷十五

土產

九

芙蓉宋開寶本草有米囊御米象穀諸名

杜鵑格物論一名山石榴一名山躑躅一名謝豹花蜀人號曰映山紅

紫薇羣芳譜一名怕癢花一名猴刺脫樹身光滑花六瓣花鏡紅紫之外有白者曰銀薇又有紫帶藍色者曰

翠薇于念東曰迎秋即放秋盡尚花俗呼為百日紅

芭蕉埤雅菊不落花蕉不落葉一葉舒則一葉焦故謂之芭蕉一名甘蕉一名芭苴一名扇仙南洲異物志又

有美人蕉自東粵來

藥之屬曰益母爾雅萑薹郭註今茺蔚也廣雅名益母葉似荏方莖白華華生節開詩中谷有薹即

此

天門冬臞仙神隱名仙人糧列仙傳赤須子食天門冬齒落更生甘始服天門冬在人閒三百餘年元和志



普州貢  
天門冬

麥門冬〔羣芳譜〕一名禹韭一名僕壘大小三四種功用相似邑產惟有甘苦二種

何首烏〔羣芳譜〕一名馬肝石一名陳知白一名紅內消〔本草〕白者入氣分赤者入血分斗門方云取根若獲

九數者服之乃仙

菖蒲陶貞白云大根者名昌陽不堪服食〔日華本草〕石澗所生堅小一寸九節者上〔應劭風俗通〕菖蒲放花人

得食之  
長年

石斛〔本草綱目〕蜀人栽之呼為金釵花〔神農經〕名禁生一名林蘭別錄名杜蘭李時珍曰以蜀中者為勝

骨碎補大明本草云是樹上寄生草根似薑而細長陳藏器曰日本名猴薑開元皇帝以其主傷折補骨碎故

命此  
名

### 安岳縣志

### 卷十五

土產

十

虎耳草〔本草〕一名石荷葉葉大如錢瘟疫搗酒服又治聾耳

三角風〔綱目〕一名三角尖取石上者尤良主風濕流注及癰疽腫毒

艾〔爾雅〕艾冰臺〔博物志〕削冰令圓舉以向日以艾承之得火〔本草〕生溫熱純陽也可以取太陽真火可以同垂

絕元  
陽

夏枯草〔神農經〕一名夕句一名乃東〔別錄〕生蜀郡川谷四月采朱震亨曰稟純陽之氣得陰氣則枯故名

牛膝〔廣雅〕名牛莖〔本經〕名百倍李時珍曰言其滋補之功如牛之多力也川中人家栽蒔者為良陶宏景曰莖

紫節大者為雄青細者為雌以雄為勝

蜀葵〔爾雅〕葍戎葵〔疏〕郭云今蜀葵也葉似葵花如木槿花戎蜀其所自來因以名之〔本草〕惟紅白二色入藥寇

宗爽曰治帶下排膿血惡物極驗



蓖麻蘇頌圖經子形宛如牛脾故名李時珍曰子仁有油可作印色朱震亨曰其性善收能追膿取毒亦外科

要藥大明本草研塗手足心催生

蒟蒻綱目出蜀中呼為鬼頭三元延壽書有人患瘰見鄰家修蒟蒻求食之美遂多食而瘰愈又有病腮癰者

數人多食之亦皆愈

金銀花別錄名忍冬久服輕身長年益壽土宿真君云蜜桶藤一名通靈草綱目云散熱解毒

香薷孟詵食療作香菜一名香茸李時珍曰乃夏月解表之藥

藿香唐史頓遜國出藿香楞嚴經謂之兜婁婆香金光明經謂之鉢怛羅香圖經脾胃吐逆為要藥

假蘇吳普本草一名荆芥蜀中生噉之神農經名鼠莫綱目其功長於祛風邪散瘀血破結氣消瘡毒

薄荷揚雄甘泉賦作芟菰字林作芟苦蘇頌曰近世治風寒為要藥物類相感志隔夜以糞水澆之雨後乃悉

### 安岳縣志

### 卷十五

土產

十一

刈收則性涼不爾不涼也

木之屬曰松王安石字說松猶公也別錄其葉有兩鬣五鬣七鬣抱朴子老松餘氣結為茯苓千歲松

脂化為琥珀趙瞿服松脂成地仙列仙傳偃佺食松實行及奔馬邑惟白塔石羊諸處有之

柏羣芳譜一名檮陰木也木皆屬陽而柏向陰指西蓋木之有貞德者雷敷炮炙論有花柏叢柏圓柏側柏邑皆

有之質理堅緻獨良於他產然連抱者近亦不可多得

枏羣芳譜生南方故又作楠綱目黔蜀諸山尤多其樹直上童童若幢蓋之狀枝葉不相礙在昉述異記張華謂

之交讓木

樟禮斗威儀云君政訟平豫章常為生顏師古曰豫章二木生至七年乃可分別羣芳譜肌理細膩有文故名樟

豫一名烏樟又名鈞樟本草鈞樟樟之小者



槐春秋說題辭槐者虛星之精元命苞樹槐聽訟其下註

槐之言歸也情見歸實也吳澄周禮秋官註槐之言懷也懷來人於此爾雅槐槐大

桑典術桑箕星之精羣芳譜魯桑少椹荆桑多椹魯桑宜飼大蠶荆桑宜飼小蠶種樹書桑以構接則葉大桑根

下埋龜甲則茂盛不蛀

楓埤雅枝善搖故從風葉作三脊霜後色丹謂之丹楓說文解字漢宮殿中多植之故稱楓宸蜀本草楓脂入地

千年化為虎魄孫炎云楓上寄生枝一名楓子天旱以泥泥之即雨

椿本草香者名椿臭者名樗易長而多壽考江東呼為虎目樹集韻作樗禹貢作椿左傳作楸

桐陶隱居云桐有四種以無子者為青桐岡桐有子者為梧桐白桐蘇頌圖經云作油者即岡桐也齊民要術亦

言岡桐子大有油寇宗奭又云岡桐無花惟荏桐子可作桐油李時珍曰以今咨訪白桐即泡桐荏桐即油桐

### 安岳縣志

### 卷十五

土產

三

也陳翥桐譜分別甚明

櫻說文楸欄也玉篇一名蒲葵埤雅廣要其皮作繩入水千年不爛昔有人開塚得一索已生根又吳從政斷海

櫻為五十餘琴以進異音清發蘇東坡集櫻筍狀若魚子而加甘芳

青桐宋史開寶五年資州獻梅青桐二木合成連理篇海桐高木也邑產最饒質堅而理麤可以薪可以炭亦

可以器葉可以蠶實可以腐

烏柏本草唐本草作烏曰陳藏器云葉可染阜子壓為油塗頭令白變黑為燈極明又名鷓舅王象晉云

種之佳者有二曰葡萄曰穗聚子大而穰厚曰鷹爪曰穗散而殼薄

竹之屬曰籊詩義南中生子母竹今慈竹是也述異記漢章帝三年子母竹生白虎殿前時謂之孝竹

羣臣作孝竹頌集韻作籊天寶遺事明皇嘆其宗本不相疎呼為義竹



篁

音斤〔本草〕篁竹堅而促節體圓質勁皮白如霜大者宜刺船細者可為笛一作筋戴凱之竹譜筋竹長二丈許

圍數寸至堅利南土以為矛一作篁揚雄蜀都賦其竹則籠鐘祭篁〔註〕篁音謹皮白如霜大者宜為篙

猫竹

一作毛竹〔四明洞天記〕毛竹叢生澗邊〔羣芳譜〕榦大而厚異於眾竹邑產較良每販之出鹽鄰縣以作井

胎

斑竹

〔齊民要術〕筦竹黑皮有文〔元稹詩〕一枝斑竹渡湘沅邑產麤似湘妃竹但黑斑不作螺文耳

紫竹

〔拾遺記〕蓬萊有浮筠之籜葉青莖紫戴凱之竹譜籩竹出雲夢之野皮特黑色〔篇海〕篤音焉黑竹〔廣韻〕篔

音俞篔音無俱云黑竹也

刺竹

〔肇慶志〕一名笏竹有刺而堅可作藩籬〔廣東新語〕一名澀勒廣人以刺為勒故又曰勒竹長芒密距枝皆

五出如雞足可蔽邨砦但邑中所產較粵殊小耳

### 安岳縣志

### 卷十五

土產

三

苦竹

〔齊民要術〕有青苦白苦黃苦紫苦〔永嘉郡記〕張廌隱居頤志家有苦竹數十頃號為竹中高士

觀音竹

〔羣芳譜〕每節二三寸產占城國又龍孫竹高不盈尺細僅如鍼鳳尾竹高二三尺纖小猗那植盆中

可作書室清玩

草之屬曰苧麻

〔羣芳譜〕績麻也有二種一紫麻一白苧出荆揚閩蜀江浙今中州亦有之皮可績布

一科數十莖每歲三刈過常麻數倍

大麻

〔羣芳譜〕一名火麻一名漢麻雄者名臬牡麻雌者名苴麻苴麻苧麻其花曰麻勃治一百二十種風其實曰麻

〔黃周禮〕朝事之邊供黃皮作麻績之可為布稽白有稜細者可為燭心

繇麻

〔說文〕臬屬爾雅翼繇高四五尺或六七尺葉似苧而薄〔羣芳譜〕麻片潔白如雪可織為毯被及汲綆

葛

〔元和志〕普州貢葛〔羣芳譜〕一名黃斤一名雞齊夏月葛成嫩而短者畱之一丈上下者連根取謂之頭葛如太



長看近根有白點者不堪用無白點者可截七八尺謂之二葛治之可作布根蒸及作粉食甚益人花為末服飲酒不醉

棉花

王象晉棉譜禹貢島夷卉服厥篚織貝蔡氏謂棉之精好者為吉貝徐子先吉貝一疏栽棉之利最詳棉

有四種曰黃蒂曰青核曰黑核曰寬大衣皆絨可以絮子可以油滓可以糞積可以薪葉可以飼牛又一種紫

花製衣甚朴雅布之名不一曰文縉曰屈眴曰白氎白縠曰貝布斑布總之皆棉布也

藍

爾雅釋草歲馬藍郭註大葉冬藍也邢疏今為澱者是也月令仲夏令民無刈藍以染鄭元言恐傷長養之氣

也綱目藍凡五種蓼藍歲可三刈故先王禁之菘藍葉如白菘馬藍如苦蕒即郭璞所謂大葉冬藍吳藍長莖

如蒿木藍葉如槐與諸藍不同而為澱則一也

畜之屬曰牛

許慎云牛件也牛為大牲可以件事分理也李時珍曰有犍牛水牛二種犍牛小而水牛

# 安岳縣志

## 卷十五

土產

畜

大犍牛有黃黑赤白駁雜數色水牛色青蒼大腹銳頭角若擔矛能與虎鬥又牛齒有下無上察其齒而知其年三歲二齒四歲四齒五歲六齒六歲以後每年接脊骨一節也牛耳聾其聽以鼻其聲曰牟音中黃鐘孟詵

曰牛者稼穡之資也不可多殺

馬

許慎說文馬武也其字象頭髦尾足之形綱目馬應月故十二月而生馬食杜蘅善走食稻則足重食鼠屎則

腹脹食雞糞則生骨眼以猪槽飼馬石灰泥馬槽馬汗著門竝令馬落駒繫獼猴於廐辟馬病

羊

董仲舒云羊祥也故吉禮用之古今注謂之長髯主簿綱目其性惡溼喜燥食鉤吻而肥食仙茅而肋食仙靈

脾而淫食躑躅而死煮羊以杏仁或瓦片則易糜以胡桃則不臊以竹颯則助味中羊毒者飲甘草湯則解銅

器資之男子損陽女子暴下邑產身尾俱小而毛短俗亦謂之山羊非縣羊竝非羴羊也

豬

綱目豬四月而生在畜屬水在卦屬坎在禽應室星北豬味薄南豬味厚生梁雍者足短入藥用純黑豕豬凡



白豬花豬豨豬北豬病豬黃臙豬米豬竝不可食說文  
豕食於星下則生息米凡煮豬肉得阜莢子桑白皮高  
良薑黃蠟不發風氣  
得舊籬篋易熟也

犬淮南子七九六十三三主斗斗主犬犬故三月而生說文  
狗叩也叩氣吠以守也綱目在畜屬木在卦屬艮在

禽應婁星狗類甚多其用有三田犬長喙善獵吠犬短  
喙善守食犬體肥供饌道家以犬為地厭不食之凡犬  
炙食消渴妊婦食之令子  
無聲熱病後食之殺人

貓禮郊特牲迎貓為其食田鼠也清異錄貓名鼠將揮塵  
新談貓口內有九坎者能四季捕鼠花鏡相貓之法必

須身似狸面似虎柔毛利齒口旁有剛鬚數莖尾長  
腰短目如金鈴上齶多稜者為良其睛可以定時

雞春秋運斗樞玉衡星散為雞春秋說題辭雞為積陽南  
方之象故陽出雞鳴以類感也風俗通雞本朱氏翁所

化故呼朱朱祝雞翁善養雞故呼祝祝淮南子萬畢術  
雞羽焚之可以致風五行志雄雞毛燒著酒中飲之所

### 安岳縣志

### 卷十五

土產

五

求必得

鷺師曠禽經鷺飛則蟻沈又云鷺伏卵則逆月謂向月取  
氣助卵也綱目鷺鳴自呼江東謂之舒雁有蒼白二色

及大而垂胡者竝綠眼黃  
喙紅掌善鬥其夜鳴應更

鴨禽經鴨鳴呶呶其鳴自呼爾雅謂之舒鳧廣雅謂之鵠  
鳴曲禮庶人執匹匹雙鷺也格物論雄者綠頭文翅雌

者黃斑色但有純黑純白者又有白而烏骨者藥食更  
佳鴨皆雄瘖雌鳴李時珍曰嫩者毒老者良其尾驛不

可食見  
禮記

毛之屬曰白面狸埤雅獸之在里者故從里綱目南方有  
白面而尾似牛者為牛尾狸亦曰玉面

狸專上樹木食百果冬月極肥人多糟為珍品  
廣雅玉面狸人捕畜之鼠皆帖伏不敢出也

九節狸李時珍曰尾有黑白錢文相間者為九節狸皮可  
供裘領宋史安陸州貢花貓即此也邑中閒有之



貓狸 寇宗奭曰狸形類貓其文有二一如連錢一如虎

狐 埤雅狐狐也狐性疑疑則不可以合類故其字從狐詩

慎云祇獸鬼所乘也有三德其色中和小前大後死則

獺 王氏字說正月十月獺兩祭魚知報本返始獸之多賴

者其形似狗故字從犬從賴圖經四足俱短頭與身尾

兔 魏子才六書精要兔字篆文象形一云吐而生子故曰

品之上味王廷相雅述云兔以潦為

羽之屬曰雉 師曠禽經雉介鳥也素質五采備曰翬雉青

會雉理也雉有文理也故尚書謂之華蟲曲禮謂之

### 安岳縣志

### 卷十五

土產

六

鷓鴣 禽經隨陽越雉也飛必南翥張華注鷓鴣其名自呼

南不徂北也古今注常向日而飛飛數隨月若正月則

一飛而止綱目多對啼俗謂其鳴曰行不得哥哥也其

性好潔肉白而脆味勝雞雉

蓋好食蟻亦辟壁蝨

竹雞 本草拾遺名山茵子綱目蜀人呼為雞頭鶻南人呼

為泥滑滑因其聲也諺曰家有竹雞啼白蟻化為泥

燕 爾雅燕燕乙詩謂之元鳥莊子謂之鷦鷯京房云人見

故有游波之號雷敷炮炙論海竭江枯投游波而立汎

鳥 元命苞鳥孝鳥也陽之精鳥在日中從天以昭孝也本



大背腹下白不反哺者雅鳥也似雅鳥而大白項者燕  
鳥也似雅鳥而小赤背穴居者山鳥也禽經慈鳥反哺  
白脰不祥大背  
善警元鳥吟夜

鵲

季氏食經名喜鵲解頤新語名乾鵲陶隱居謂之飛駁  
鳥綱目季冬始巢開戶背太歲向太乙段成式云鵲有

隱巢木如梁令鷺鳥不見人若見之主富貴也萬畢術  
云丙寅鵲腦令人相思高誘註取鵲腦雌雄各一道中  
燒之丙寅日入酒  
中飲令人相思

子規

爾雅鴛周疏子鴛鳥也出蜀中說文鴛蜀王望帝化  
為子鴛今謂之子規博物志杜鵑生子寄之他巢百

鳥為飼之本草夜啼達旦鳴必向北夏至尤甚田家候  
之以興農事其鳴若曰不如歸去吳人謂之謝豹顧况  
詩綠樹村中  
謝豹啼是也

雁

禽經鴉以水言自南而北鵠以山言自北而南張華注  
鴉鴉並音雁冬則適南集於水干故字從干春則向北

安岳縣志

卷十五

土產

七

集於山岸故字從岸小者曰雁大者曰鴻鴻大也  
多集江渚故從江蜀都賦鴻儔鵠侶候雁銜蘆

布穀

爾雅注鳴鳩一名鵠鵠即今布穀也揚子方言鳴鳩  
自關而東謂之戴勝埤雅鳴鳩性一而孝一名搏黍

又名郭公陳造布穀吟序人以布穀為催耕其聲曰脫  
卻潑袴曰郭嫂打婆曰一百八箇皆以意測之本草俗  
呼阿公阿婆割麥插禾皆  
因其聲之近似而呼之也

鷺

禽經鷺飛則露爾雅謂之春鉏偃海錄一名帶絲禽格  
物論一名屬玉埤雅鷺色雪白頂上有毛十數莖長寸

餘毳毳然如絲欲取魚則弭之博物志鷺小不踰大飛  
有次序百官縉紳之象本草集解似鷺而頭無絲腳黃  
色者名白鶴子邑之為  
鶴皆此類竝無真鶴也

鴿

越絕書蜀有蒼鴿狀如春花山堂肆考鴿亦鳩屬其頸  
若癭共有二十餘種而銀合海鹽倒插點子毛腳鳳髻

黑夜游半天嬌插羽佳人等則其名也皆兩  
兩相匹不雜交每孕必二卵伏十八日而化



麟之屬曰鯉

古今注兗州人呼赤鯉為元駒白鯉為白驥黃鯉為黃騅別錄其脇鱗一道從頭至尾無

大小皆三十六鱗陶朱公養魚經求懷子鯉魚長三尺者二十頭牡鯉四以二月上旬庚日納池中則生子多而易肥所以養鯉者以其不相食且易長而貴也

鯽

埤雅鯽魚族行以相即也故謂之鯽以相附也故謂之鯽蜀本草鯽所在池澤有之形似小鯉色黑而體促壯

大而脊隆大者至三四斤孟詵曰大者是鯽狹小者是鯽也鑑續霏雪錄鼯鼠化鯽鯽化鼯鼠李時珍曰鯽即郭璞爾雅註所謂妾魚婢魚崔豹所謂青衣魚世俗所謂鯽鯽也似鯽而小且薄

鱖

開寶本草名石桂魚日華子名水豚李廷飛延壽書鱖鬣刺凡十二以應十二月誤鱖害人惟橄攬核磨水可解張果醫說越州邵氏女年十八病癆瘵累年偶食鱖魚羹遂愈綱目此與補勞益胃殺蟲之說相符則仙人劉憑隱士張志和之嗜此魚非無謂也岳陽溪龍溪俱有之

### 安岳縣志

### 卷十五

土產

六

鯽

爾雅翼鯽魚偃額兩目上陳口方頭大尾小身滑無鱗謂之鮎魚言黏滑也本草有齒有鬣生流水者色青白生止水者色青黃古曰鯽今曰鮎一名鯽戰國策

鱧

小雅魚麗于罍鮠鱧正字通今烏魚說文鱧也爾雅註鱧也本草釋名一名蠡魚一名黑鱧烏鱧又名文魚李時珍曰鱧首有七星夜朝北斗有自然之禮又與蛇通氣色黑北方之魚也陶隱居曰性至難死道家指為水厭齋錄

鱣

集韻音餐或省作鯨本草釋名一曰白鯢一曰鮠魚爾雅釋魚鮠黑鮠註即白鯢魚江東呼為鮠疏鮠一名黑鮠李時珍曰小魚也長僅數寸形狹而扁狀如柳葉細鱗而整潔白可愛性好羣游荀子曰鯢浮陽之魚也莊子秋水篇鯢魚出游正字通俗呼參條魚

金魚

博物志出汾婆塞江腦中有金述異記載晉桓沖游廬山見湖中有赤鱗魚符子務光自投廬川廬川之



伯以赤鯉送之抱朴子南陽丹水有丹魚割取其血塗足可步行水上夢溪筆談西湖南屏山興教寺池有鯽十餘尾金色東坡詩我識南屏金鯽魚綱目金魚有鯽鯽鯽鯽數種鯽鯽尤難得獨金鯽耐久自宋始有畜者今則處處人家養玩矣

鯽音善山海經灌河之穴其中多鯽韓非子鯽似蛇而漁者取鯽而畏蛇利之所在皆為賁育一作鱣爾雅翼鱣似蛇無鱗體有涎沫夏月於淺水作窟蜀本草有青黃二色異苑死人髮所化陶隱居云荇荇根所化又作鱣

鱣音秋爾雅釋魚鱣鱣郭註今泥鱣孫炎云鱣者尋習其泥也正字通鱣生下田泥淖中似鱣短首銳色黃黑有鱣濡滑難握穴泥中與他魚牝牡莊子云鱣與魚游物類相感志云燈心煮鱣甚妙一作鱣

介之屬曰龜淮南子介潭生先龍先龍生黝龜黝龜生庶龜財物歸之家必大富至千萬有北斗南辰五星八風二十八宿及日月龜玉龜九州龜凡八名各有文在腹

### 安岳縣志

### 卷十五

土產

九

下其文曰某之龜也爾雅龜有十種周官以天地四方辨之為六龜漢書有元龜公龜侯龜子龜四品本草又有王龜相龜將龜之說邑所產者澤龜耳李時珍曰龜鹿皆靈而有壽龜首常藏向腹能通任脈故取其甲以補心補腎補血皆以養陰也鹿鼻常反向尾能通督脈故取其角以補命補精補氣皆以養陽也

鼈埤雅廣要鼈甲屬也以眼聽水居陸生又云鼈伏隨日謂日光所轉朝首東向夕首西向也文子曰鼈無耳淮南子萬畢術青泥殺鼈得莧復生西陽雜俎鼈為臃數食之可長鬚三元參贊鼈居水底性甚冷肉能補陰又能補氣也圖經甲有九肋者為勝養魚經名神守古今注名河伯從事宋毛勝水族加恩簿令曰甲折翁前以擐甲尚書榮其跡顯其能宜授金丸丞相九肋君

螺蚌蟹鰕皆取象於離而寄命於坎以其外剛內柔游行水澤閒也邑雖有然微不足食鄉人亦不食之故不著



蟲之屬曰蠶

唐韻絲蟲也博物志蠶三化先孕而後交不交者亦產子爾雅翼蠶之狀喙冉冉類馬色

斑斑似虎初拂謂之蚝以毛掃之蠶尚小不欲見露氣

酉陽雜俎食而不飲者蠶埤雅三俯三起二十七日而蠶已老則紅故謂之紅蠶本草有大小白烏斑色之異

其蟲屬陽喜燥惡溼李時珍曰凡諸草木皆有蠅蠅之類食葉吐絲不如蠶絲可以衣被天下故莫得並稱又

馬頭娘蜀女化為蠶見圖經爾雅翼今蠶神曰苑窳婦人寓氏公

主凡二神

爾雅釋蟲土蠶木蠶蠶醜蜚註垂其腴也關尹子聖人師蠶立君臣揚雄輶軒絕代語其大而有蜜者曰壺蠶

注穿竹木作孔者謂之笛師陰陽變化錄蠶每歲三四

月則生黑色蠶名曰將蠶又名相蠶不能采花但能釀蜜蓋無此蠶則蜜不成酉陽雜俎竹蠶出蜀中蜜皆紺

色甘倍常蜜埤雅廣要蠶有兩衙應潮其主之所在眾蠶為之旋繞如衛潛確類書采花時一半守房一半分次撥發花少受罰每一百蠶往往有七十四房汪穎曰

# 安岳縣志

## 卷十五

土產

三

諸蜜氣味當以花為主冬夏為上秋次之春則易變而酸閩廣蜜極熱川蜜溫西蜜則涼矣

蠟

汪機本草會編蟲白蠟與蜜蠟之白者不同乃小蟲所作也李時珍曰唐宋以前皆用蜜蠟此蟲白蠟則自元

以來人始知之今為日用物矣以川滇衡永產者為勝蠟樹四時不凋五月開白花成叢結實其蟲大如蟻蝨

芒種後延緣樹枝食汁吐涎處暑後剝取其渣煉化成蠟過白露則黏住難刮其蟲嫩時白色老則赤黑結苞

於枝曰蠟種內皆白卵如細蟻一包數百次年立夏日摘下分繫各樹苞折卵化復作蠟矣

蛇蛙蟬蝶

等類甚多雖方劑時或用之然無關大雅不錄



祥異志

聖王在上不慶祥瑞而祥瑞畢臻不諱災異而災異悉除以招致有自來也然在人雖有變化之力在天不無勸戒之心往往於山閒水涯顯示朕兆俾先見者知趨避焉邑乘所由紀祥異也

唐書五行志

貞觀十八年普州疫

顯慶二年普州有人化為虎猛噬而不仁

大中八年七月東川蝗

安岳縣志

卷十五

祥異

三

宋史五行志

乾德四年八月普州兔食禾

又見太祖紀云食稼

太平興國七年普州民鄭彥福妻產三男

八年普州

民李祚妻產三男

大中祥符四年饑

明道二年饑

寶元二年饑

嘉祐五年梓州路夏秋不雨

元祐元年普州永康軍禾異畝同穎合秀至九穗

五



年普州麥一莖雙穗

紹聖三年普州禾異畝同穎合秀至九穗 三月地震

崇寧三年普州麥秀兩歧

大觀二年秋普渠州芝草生 三年瀘遂普州麥秀兩

穗普州芝草生

紹興五年秋四川郡縣旱甚 六年旱

隆興元年饑

乾道三年春旱至於秋七月

淳熙九年夏五月不雨至於秋七月普州旱

安岳縣志

卷十五

祥異

三

紹熙二年普州旱 三年秋普州大旱無麥殍死者眾

八月普州雨害稼 四年普州旱

慶元三年旱自四月至於九月普州大旱

嘉泰元年普州大旱 二年饑

嘉定四年普州旱 九年二月辛亥地大震

寶祐三年地震

明宣德丙午大旱民多散亡

正統間邑高僧無際卓錫道林寺時出二異鳥一呼阿

彌陀佛一呼佛現聲甚清亮逼似人言



景泰庚午大饑

成化庚子大饑

宏治戊申大旱人相食冬地震

正德壬申盜起 乙卯大水

嘉靖七年戊子元旦雷電雨雹竟日不止後大旱歲無

粟禾斗米五錢饑死者甚眾 己丑大疫積死橫道

辛卯地生白毛如馬尾長四寸 壬辰十月二十

一日大雪竹木皆枯死 壬子七月慶雲見五色錯

雜如芝如蘭

安岳縣志

卷十五

祥異

三

隆慶戊辰大熟

萬曆辛巳八月有聲如雷隕石南郊 壬午大旱 癸

未大饑斗米三錢 丁酉大旱 戊戌大旱人民饑

荒過甚 己亥大疫死者過半 癸卯瑞麥產邑人

知貴州鎮寧州事李蒙古地分

崇正庚辰六月安岳紅雨著物俱赤色 壬午癸未連

年歲荒人多流離

國朝順治元年甲申八月初九日逆賊張獻忠破成都僭

稱大順分遣賊目勦全川積屍橫野輕則割耳鼻斷



手遭刑飲水立死越二歲有奇我

朝大兵至殲獻忠於西充金山舖巨賊雖除兩縣尙爲  
流寇所據荒亂愈甚迨戊子己丑五穀無遺種斗米  
三十金民皆採掇草子樹皮野果爲食絕鹽味無定  
居強豪者聚嘯山林私結堡砦號曰土豹子以人肉  
爲家常飯又有流賊姚黃二姓大肆掠殺所至邨落  
一空復有虎害能破壁升屋上樹傷人樵汲採食者  
百十爲羣橫槍張槌以行猶多不免故子遺之民盡  
逃於四方兩縣絕人迹少烟火者二十餘年康熙三

安岳縣志

卷十五

祥異

三

四年開始有土著數家回籍然戶不盈十丁不滿百  
難以設官歸併遂寧復歸蓬溪由丙午至癸丑凡八  
年陸續歸里者漸多康熙十三年甲寅吳三桂叛於  
滇竊併黔蜀設僞令於縣賦役煩苦剝膚脂於瘡痍  
之餘土著又多避虐而去此兩縣之荒涼所以獨甚  
於他邑也康熙十九年庚申滇黔奏捷恢復川疆始  
奉

旨以安岳歸併樂至而設官借道林寺爲公署歷徐鄭諸  
令康熙三十一年壬申知縣鄭酉錫始開城結茅爲



肆甫有屠沽招徠開墾略增丁賦然兩縣之元氣十未復一也又歷三十餘年疊經循良撫綏元氣漸復故余特就見聞所及自荒亂至太平八十餘年略載之簡末云時康熙六十一年周于仁謹識

康熙甲子至辛未屢旱深井盡涸 六十年折桂鄉道

林寺之西朱家壩靈芝生遂寧舉人黃暢紀瑞云

一 偶客崇龕地閒游得瑞芝亦同凡卉舞不附茂林

枝看汝出塵日逢余久遯時徘徊增太息什襲欲藏

之 其二 毛錐余久棄爲汝偶拈之僻地偏生爾幽人

### 安岳縣志

### 卷十五

祥異

三

適在茲山靈如有意物性豈無知應是昇平兆無能

一 獻詩

附近邑庠夏禮禘見而識其形日其圓如滿月枝葉如蒼松

六十一年

風不烈雨不淫雷無疾聲三秋絕鳴高山可田五穀

倍熟稱大有年

乾隆四十三年蜀中大饑次年斗米千餘錢川東郡邑

立人市鬻子女蜀數稱沃土此歲凶荒爲百餘年未

見也 四十八年十二月十三四等日晝夜大雪厚

二尺餘次年正月復得二次是歲禾麥倍收 五十

一年五月初六地震初七十一十二亦震爲時甚暫



尙未成災

嘉慶三年四年大旱 二十一年七月大水禾盡偃

道光元年正月雷鳴 五年正月大雹 十二年十一

月初五初六兩日積雪厚尺餘次年五穀皆熟 十

五年正月廿七日丑時空中有霹靂聲如雷隨有火

光如電射入署中 十六年二月初四夜二更空中

有紅光形如獸墜入東方隨有霹靂聲如雷震

安岳縣志

卷十五

祥異

二十六